



## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

### *Efni: Breyting á rekstrarleyfi leikskólans Vinaminnis*

Með tölvuskeyti, dags. 18. desember 2020, fór leikskólastjóri Vinaminnis fram á að samþykkt yrði heimild fyrir leikskólann til að taka á móti börnum frá 12 mánaða aldri og að framlag vegna barna á aldrinum 12-18 mánaða yrði til samræmis við samninga við sjálfstætt starfandi ungbarnaleikskóla.

Rekstrarleyfi leikskólans, dags. 22. febrúar 2012, gerir ráð fyrir 86 börnum á aldrinum 18 mánaða til 6 ára. Samkvæmt skráningu í Völu 13. janúar 2021 eru 71 barn skráð í vistun í leikskólanum, tvö þeirra með lögheimili utan Reykjavíkur og 11 börn eru yngri en 18 mánaða.

Á fundi skóla- og frístundaráðs þann 11. desember 2018 og í borgarráði þann 10. janúar 2019 var samþykkt tillaga varðandi ungbarnaeildir í sjálfstætt reknum leikskólum: [https://fundur.reykjavik.is/sites/default/files/agenda-items/44\\_sfs\\_ungbarnaeildir.pdf](https://fundur.reykjavik.is/sites/default/files/agenda-items/44_sfs_ungbarnaeildir.pdf)

Umbeðin breyting uppfyllir það skilyrði framangreindrar samþykktar tillögu að nýting á plássum samkvæmt rekstrarleyfi eykst að lágmarki um sem nemur 2/3 þeirra barna sem áætluð eru á ungbarnaeildina.

Af hálfu skóla- og frístundasviðs er ekki gerð athugasemd við að rekstrarleyfi verði breytt með þeim hætti að leikskólanum Vinaminni verði heimilað að vera með 86 börn á aldrinum 12 mánaða til 6 ára, þar af 16 börn á aldrinum 12 til 18 mánaða.



## Rekstrarleyfi fyrir leikskólann Vinaminni

Með vísun til 25. gr., laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með leikskólanum Vinaminni ehf. kt. 500194-2519 leyfi til að reka leikskólann Vinaminni.

Fyrir liggja teikningar af húsnæði leikskólans að Asparfelli 10-12 í Reykjavík. grunnflötur húsnæðisins er 537,1 m<sup>2</sup> og stærð lóðar er 700 m<sup>2</sup>. Veitt er heimild til að reka leikskóla í húsnæðinu fyrir allt að 86 börnum á aldrinum 18 mánaða til 6 ára.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur leyfi til að nota starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Breiðholts veitir leikskólanum sérfræðiþjónustu, sbr. reglugerð nr. 584/2010, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrá leikskólans reglulega og leggja hana fyrir skóla- og frístundaráð til staðfestingar. Skólanámskrá leikskólans Vinaminnis er frá árinu 2004 og þarfnast endurskoðunar með tilliti til nýrrar aðalnámskrár mennta- og menningamálaráðuneytis. Veittur er frestur til 1. júní 2012 til að leggja fram endurskoðaða skólanámskrá.

Fyrir liggur starfsáætlun leikskólans Vinaminnis fyrir árið 2011/2012. Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.



Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, 22. febrúar 2012

Ragnar Þorsteinsson sviðsstjóri  
skóla- og frístundasvið Reykjavíkurborgar  
Borgartúni 12-14, 105 Reykjavík

## Rekstrarleyfi fyrir leikskólann Vinaminni

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með leikskólum Vinaminni kt. 500194-2519 leyfi til að reka leikskólann Vinaminni.

Fyrir liggja teikningar af húsnæði leikskólans að Asparfelli 10-12 í Reykjavík. Grunnflötur húsnæðisins er 531,1 fermetrar og stærð lóðar er 700 fermetrar. Veitt er heimild til að reka leikskóla í húsnæðinu fyrir allt að 86 börn á aldrinum 12 mánaða til 6 ára, þar af 16 börn á aldrinum 12 til 18 mánaða.

Vottorð liggur fyrir frá heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 95/2019 um menntun, hæfni og ráðningu kennara og skólastjórnenda í leikskóla, grunnskóla og framhaldsskóla, um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Breiðholts veitir leikskólanum sérfræðiþjónustu, sbr. reglugerð nr. 584/2010 með síðari breytingum, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrá reglulega og leggja hana fyrir skóla- og frístundaráð til staðfestingar. Skólanámskrá leikskólans er frá árinu 2017.

Fyrir liggur starfsáætlun leikskólans Vinaminnis fyrir 2020-2021 Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólalald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, x.x 2021

---

Helgi Grímsson, sviðsstjóri skóla- og frístundasviðs Reykjavíkurborgar